

alias autem non repererunt, quas simili modo tradarent.

15 Universusque Israel valde doluit, & egit pœnitentiam super interfectione unius tribus ex Israel.

16 Dixeruntque majores natu: Quid faciemus reliquis, qui non acceperunt uxores? omnes in Benjamin fœminas conciderunt,

17 Et magna nobis cura, ingentique studio providendum est, ne una tribus delectatur ex Israel.

18 Filias enim nostras eis dare non possumus confricti iuramento & maledictione, qua diximus: maledictus qui dederit de filiabus suis uxorem Benjamin.

19 Ceperuntque consilium, atque dixerunt: Ecce solemnitas Domini est in Silo anniversaria, quæ sita est ad Septentrionalem urbis Bethel, & ad Orientalem plagam via quæ de Bethel tendit ad Sichimam, & ad Meridiem oppidi Lebona.

20 Præceperuntque filii Benjamin, atque dixerunt: Ite: & latitate in vineis.

21 Cumque videritis filias Silo ad ducendos choros ex more procedere, exite repente de vineis, & rapite ex eis singuli uxores singulas, & pergitte in Terram Benjamin.

22 Cumque venerint patres earum, ac fratres, & adversum vos queri coeperint, atque jurgari, dicemus eis: Miseremini eorum: non enim raperunt eas jure bellantium atque victorum, sed rogaribus ut acciperent, non dedistis, & a vestra parte peccatum est.

23 Feceruntque filii Benjamin, ut sibi fuerat imperatum: & juxta numerum suum, raperunt sibi de his quæ ducebant choros, uxores singulas: sibi eruntque in possessionem suam, ædificantes urbes, & habitantes in eis.

24 Filii quoque Israel reversi sunt per tribus & familias in tabernacula sua. In diebus illis non erat rex in Israel: sed unusquisque, quod sibi rectum videbatur, hoc faciebat.

## LIBER RUTH.

### CAPUT PRIMUM.

Elimelech Bethlehemitæ præ nimia fame cum uxore Noemi ac duobus filiis in terram Moab cedit; quo una cum filiis mortuo, Noemi cum Ruth nuru sua in Bethlehem revertens, non vult vocari Noemi, sed Mara.

1 N diebus unius judicis, quando judices præerant, facta est famæ in Terra. Abiitque homo de Bethlehem Juda, ut peregrinaretur in regione Moabitide, cum uxore sua ac duobus liberis.

2 Ipse vocabatur Elimelech, & uxor ejus Noemi: & duo filii, alter Mahalon, & alter Chelion, Ephrathæi de Bethlehem Juda. Ingressi que regionem Moabitidem, morabantur ibi.

3 Et mortuus est Elimelech maritus Noemi: remansitque ipsa cum filiis.

4 Qui acceperunt uxores Moabitidas, quarum una vocabatur Orpha, altera vero Ruth. Manseruntque ibi decem annis,

5 Et ambo mortui sunt, Mahalon videlicet & Chelion: remansitque mulier orbata duobus liberis ac marito.

6 Et surrexit ut in patriam pergeret cum ultra que nuru sua, de regione Moabitide: andierat enim quod respexit Dominus populum suum, & dedisset eis escas.

7 Egressa est itaque de loco peregrinationis sua, cum utraque nuru: & jam in via revertendi posita in Terram Juda.

8 Dixit ad eas: Ite in domum matris vestre, faciat vobisum Dominus misericordiam, sicut fecisti cum mortuis & mecum.

9 Det vobis invenire requiem in dominibus vi-  
rorum, quos sortituræ estis. Et osculata est eas.  
Quæ elevata voce flere coepérunt,

10 Et dicere: Tecum pergemus ad populum tuum.

11 Quibus illa respondit: Revertimini filiae meæ, cur venitis mecum? num ultra habeo filios in utero meo, ut viros ex me sperare possitis?

12 Revertimini filiae meæ, & abite: jam enim feneclute confecta sum, nec apta vinculo conjugalii. Etiam si possem hac nocte concipere, & parere filios,

13 Si eos expectare velitis, donec crescant, & annos pubertatis impleant, ante eritis vetulæ quam nubatis. Nolite, quælo, filiae meæ: quia vestra angustia magis me premit, & egressa est manus Domini contra me.

14 Elevata igitur voce, rursum flere coperunt: Orpha osculata est socrum, ac reversa est: Ruth adhæsit socrui sue.

15 Cui dixit Noemi: En reversa est cognata tua ad populum suum, & ad deos suos, vade cum ea.

16 Quæ respondit: Ne adverseris mihi ut relinquam te & abeam: quocumque enim perrexeris, pergam: & ubi morata fueris, & ego pariter morabor: Populus tuus populus meus, & Deus tuus Deus meus.

17 Quæ te terra morientem suscepit, in ea moriar: ibique locum accipiam sepulturæ. Hæc mihi faciat Dominus, & hæc addat, si non sola mors me & te separaverit.

18 Videns ergo Noemi, quod obstinato animo Ruth decrevisset secum pergere, adversari noluit, nec ad suos ultra redditum persuadere:

19 Profectæque sunt simul, & venerunt in Bethlehem. Quibus urbem ingressis, velox apud cunctos fama percrebuit: dicebantque mulieres: Hæc est illa Noemi.

20 Quibus ait: Ne vocetis me Noemi (id est pulchram) sed vocate me Mara (id est, amaram) quia amaritudine valde replevit me Omnipotens.

21 Egressa sum plena, & vacuam reduxit me Dominus. Cur ergo vocatis me Noemi, quam Dominus humiliavit, & afflxit Omnipotens?

22 Venit ergo Noemi cum Ruth Moabitide nru sua, de terra peregrinationis fusa: ac reversa est in Bethlehem, quando primum hordea metebantur.

CA-

## CAPUT II.

Ruth pressa fame, spicas in agro Booz affinis sui colligens, gratiam apud eum invenit, & lœta vesperi ad socrum reversa, multum frumenti & ciborum reliquiis ei offert.

1 Erat autem viro Elimelech consanguineus, homo potens, & magnarum opum, nomine Booz.

2 Dixitque Ruth Moabitis ad socrum suam: Si jubes, vadam in agrum, & colligam spicas, quæ fugerint manus metentium, ubicumque clementis in me patrisfamilias reperero gratiam. Cui illa respondit: Vade filia mea.

3 Abi itaque & colligebat spicas post terga metentium. Accidit autem ut ager ille haberet Dominum nomine Booz, qui erat de cognatione Elimelech.

4 Et ecce, ipse veniebat de Bethlehem, dixitque messoribus: Dominus vobiscum. Qui responderunt ei: Benedic tibi Dominus.

5 Dixitque Booz juveni, qui messoribus præerat: Cujus est hæc puella?

6 Cui respondit: Hæc est Moabitis, quæ venit cum Noemi, de regione Moabitide.

7 Et rogavit ut spicas colligeret remanentes, sequens messorium vestigia, & de mane usque nunc stat in agro, & ne ad momentum quidem domum reversa est.

8 Et ait Booz ad Ruth: Audi filia ne vadas in alterum agrum ad colligendum, nec recedas ab hoc foco: sed jungere puerilis meis,

9 Et ubi messuerint, sequere. Mandavi enim pueris meis, ut nemo molestus sit tibi, sed etiam si sitieris, vade ad sarcinulas, & bibe aquas, de quibus & pueri bibunt.

10 Quæ cadens in faciem suam & adorans super terram, dixit ad eum: Unde mihi hoc, ut invenirem gratiam ante oculos tuos, & nosse me dignareris peregrinam mulierem?

11 Cui ille respondit: Nuntiata sunt mihi omnia, quæ feceris socrui tuæ post mortem vivi tui: & quod reliqueris parentes tuos, & terram

ram in qua nata es, & veneris ad populum, quem antea nesciebas.

12 Reddat tibi Dominus pro opere tuo, & plenam mercedem recipias a Domino Deo Israel, ad quem venisti, & sub cuius confugisti alas.

13 Quæ ait: Inveni gratiam apud oculos tuos domine mi, qui consolatus es me, & locutus es ad cor ancillæ tue, quæ non sum similis unius puellarum tuarum.

14 Dixitque ad eam Booz: Quando hora vescendi fuerit, veni huc, & comedere panem, & intinge buccellam tuam in acetum. Sedit itaque ad messorum latus, & concessit polentam sibi, comeditque & saturata est, & tulit reliquias.

15 Atque inde surrexit, ut spicas ex more colligeret. Praecepit autem Booz pueris suis, dicens: Etiam si vobiscum metere voluerit, ne prohibeatis eam:

16 Et de vestris quoque manipulis projicite de industria, & remanere permittite, ut absque rubore colligat, & colligentem nemo corripiat.

17 Collegit ergo in agro usque ad vesperam: & quæ collegerat virga cædens & excutiens, inventum hordei quasi ephi mensuram, id es, tres modios.

18 Quos portans reversa est in civitatem, & ostendit socrui sua: insuper protulit, & dedit ei de reliquis cibi sui, quo saturata fuerat.

19 Dixitque ei socrus sua: Ubi hodie collegisti, & ubi fecisti opus? sit benedictus qui misertus est tui. Indicavitque ei apud quem suisset operata: & nomen dixit viri, quod Booz vocaretur.

20 Cui respondit Noemi: Benedictus sit a Domino: quoniam eamdem gratiam, quam præbuerat vivis, servavit & mortuis. Rurumque ait: Propinquus noster est homo.

21 Et Ruth. Hoc quoque, inquit, præcepit mihi, ut tamdiu messoribus ejus jungerer, donec omnes segetes meterentur.

22 Cui dixit socrus: Melius est, filia mea, ut cum puellis ejus exeat ad metendum, ne in alieno agro quispiam reficiat tibi.

23 Juncta est itaque puellis Booz: & tamdiu cum eis messuit, donec hordea & triticum in horreis conderentur.

### C A P U T III.

Ruth socrus sua consilio obsecuta ad pedes Booz dormientis recumbens, nuptias verecunde postulat; accepto laeto responso, sex hordei modios ad sorem defert.

1 Postquam autem reversa est ad socrinum suum, audivit ab ea: Filia mea, queram tibi regnum, & providebo ut bene sit tibi.

2 Booz iste, cuius puellis in agro juncta es, propinquus noster est, & hac nocte aream hordei ventilat.

3 Lavare igitur, & ungere, & induere cultioribus vestimentis, & descende in aream. Non te videat homo, donec esum potumque finierit.

4 Quando autem ierit ad dormiendum, nota locum in quo dormiat: veniesque & discooperies pallium, quo operitur a parte pedum, & projicies te, & ibi jacebis: ipse autem dicet tibi quid agere debeas.

5 Quæ respondit: Quidquid præceperis faciam.

6 Descenditque in aream, & fecit omnia, quæ sibi imperaverat socrus.

7 Cumque comedisset Booz, & bibisset, & factus esset hilarior, isserique ad dormiendum juxta acervum manipulorum, venit absconde, & discooperito pallio a pedibus ejus, se projectat.

8 Et ecce, nocte iam media expavitus homo, & conturbatus est: viditque mulierem jacentem ad pedes suos,

9 Et ait illi: Quæ es? Illaque respondit: Ego sum Ruth ancilla tua, expande pallium tuum super famulam tuam, quia propinquus es.

10 Et ille, benedicta, inquit, es a Domino filia, & priorem misericordiam posteriore superasti: quia non es fecuta juvenes pauperes, sive divites.

11 Noli ergo metuere: sed quidquid dixeris mihi, faciam tibi. Scit enim omnis populus, qui habitat intra portas urbis meas, mulierem te esse virtutis.

12 Nec abnuo me propinquum, sed est aliis  
me propinquior.

13 Quicce hac nocte: & facto mane, si te  
voluerit propinquitatis jure retinere, bene res  
acta est: fin autem ille noluerit, ego te absque  
ulla dubitatione suscipiam, vivit Dominus. Dor-  
mi usque mane.

14 Dormivit itaque ad pedes ejus, usque ad  
noctis abscessum. Surrexit itaque antequam hos-  
mines se cognoscerent mutuo, & dixit Booz: Cave  
ne quis noverit quod hoc veneris.

15 Et rursum, Expande, inquit, pallium tuum,  
quo operiris, & tene utraque manu. Qua exten-  
dente, & tenente, mensus est sex modios hor-  
dei, & posuit super eam. Quæ portans ingref-  
fa est civitatem,

16 Et venit ad forum suum. Quæ dixit ei:  
Quid egisti filia? Narravitque ei omnia, quæ sibi  
fecisset homo.

17 Et ait: Ecce sex modios hordei dedit mihi,  
& ait: Nolo vacuam te reverti ad forum tuum.

18 Dixitque Noemi: Expedita filia, donec vi-  
deamus quem res exitum habeat. Neque enim  
cessabit homo nisi compleverit quod locutus est.

## CAPUT IV.

Booz coram senioribus civitatis, accipit posse-  
fionem Elimelech, & Ruth nurum defuncti in uxo-  
rem (cedente alio propinquiore juri propinqua-  
tis) ex qua genuit Obed avum Davidis regis.

1 A Scendit ergo Booz ad portam, & sedit ibi.  
Cumque vidisset propinquum præterire,  
de quo prius sermo habitus est, dixit ad eum:  
Declina paulisper, & sede hic: vocans eum no-  
mine suo. Qui divertit, & sedit.

2 Tollens autem Booz decem viros de senio-  
ribus civitatis, dixit ad eos: Sedete hic.

3 Quibus sedentibus, locutus est ad propin-  
quum: Partem agri fratris nostri Elimelech ven-  
det Noemi, quæ revera est de regione Moabitide:

4 Quod audire te volui, & tibi dicere coram  
cunctis sedentibus, & majoribus natu de populo  
meo. Si vis possidere jure propinquitatis: eme,  
&

& posside. Sin autem displicet tibi, hoc ipsum  
indica mihi, ut sciam quid facere debeam. Nul-  
lus enim est propinquus, excepto te, qui prior  
es: & me, qui secundus sum. At ille respondit:  
Ego agrum emam.

5 Cui dixit Booz: Quando emeris agrum de  
manu mulieris, Ruth quoque Moabitidem, quæ  
uxor defuncti fuit, debes accipere: ut suscites  
nomen propinqui tui in hereditate sua.

6 Qui respondit: Cedo juri propinquitatis:  
neque enim posteritatem familiæ meæ delere de-  
beo. Tu meo utere privilegio, quo me liben-  
ter carere profiteor.

7 \* Hic autem erat mos antiquitus in Israel \* Deut.  
inter propinquos, ut si quando alter alteri suo  
juri cedebat: ut esset firma concessio, solvebat  
homo calceamentum suum, & dabat proximo  
suo, hoc erat testimonium cessionis in Israel.

8 Dixit ergo propinquo suo Booz: Tolle cal-  
ceamentum tuum. Quod statim solvit de pede suo.

9 At ille majoribus natu, & universo populo,  
Testes vos, inquit, estis hodie, quod possede-  
rim omnia quæ fuerunt Elimelech, & Chelion,  
& Mahalon, tradente Noemi:

10 Et Ruth Moabitidem, uxorem Mahalon,  
in conjugium sumperim, ut suscitem nomen de-  
functi in hereditate sua, ne vocabulum ejus de  
familia sua ac fratribus & populo deleatur. Vos,  
inquam, hujus rei testes estis.

11 Respondit omnis populus, qui erat in por-  
ta, & maiores natu: Nos testes sumus: faciat  
Dominus hanc mulierem, quæ ingreditur domum  
tuam, sicut Rachel, & Liam, quæ ædificaverunt  
domum Israel: ut sit exemplum virtutis in Ephra-  
ita, & habeat celebre nomen in Bethlehem:

12 Fiatque domus tua, sicut domus Phares, \* Gen.  
\* quem Thamar peperit Iudæ, de semine quod  
cibi dederit Dominus ex hac puella.

13 Tulit itaque Booz Ruth, & accepit uxo-  
rem: ingratissime est ad eam, \* & dedit illi Do-  
minus ut conciperet, & pareret filium.

14 Dixeruntque mulieres ad Noemi: Benedi-  
ctus Dominus, qui non est passus ut deficeret  
fuc.

<sup>1. Par. 9.</sup><sup>5. & 4. 1.</sup><sup>Matth. 1.</sup><sup>8.</sup>